

n. n. n. n. befinden sich kleine / auff eisern Gabeln befestigte Cammer :
 oder Hagelgeschützlin / welche dann mit grosser Geschwindigkeit /
 vnd von hinten hinein könden geladen / vnd darmit der ganze ober-
 re Boden also bestrichen oder flanchirt werden / in gleichem / vnd
 durch das Gätter. S. hat es gute Gelegenheit nit allein mit kurzen
 Spiessen / sonder auch mit Handgeschosß also von vntē herauff zu
 arbeiten / (wil des sprengens / so aber erst zu letst / wann alle Hoff-
 nung verlohren ist / hier geschweigen) daß der Feind schwerlich
 solchen Ernst erdulden wird könden. Fürnemblich so werden nit al-
 lein Granaten / vnd Sturmhäßelin / sonder auch trumben oder
 Pumpen von starcken Fewren auß der Poppa, vnd auß des Pilot-
 ten Cammer herunter geworffen / auch endlich von der Faust also
 Compattiert, daß es dem Feind schwer fallen thut / disen Ort zu
 behaupten : massen es dann die tägliche Erfahrung gibt / wie vbel
 Conditioniert man offt von einem solchen dapffern Vassello vna-
 verrichter Sachen abziehen muß.

m. bedeut den Eingang zu der Poppa, vnd

r. ist der Eingang zu des Piloten Cammer.

t. ein gar nieders Portal / dardurch man vornen bey der Proda auch
 in die Naven hinunter schlupffen kan. Ben

p. ist der Argano, oder Trimmel auff dem obersten Boden / mit dessen
 Hülf könden die Güter auff das Schiff gezogen / alsdann mit
 demselbigen auch in die Nave hinunter gelassen werden / was aber
 alle andere Gebäw / in gleichem die Stellung der Sailer / Segel-
 bäum / vnd Antennen anbelangt / das alles wirdt in ermeltem
 Kupfferblatt N. 10. so Aigentlich vnd Conterfetisch fürgebildet /
 daß ich für vnnöttig geachtet / den verständigen Leser an disem
 Paß mit mehrern beschreiben auffzuhalten.

Das Kupfferblatt N. 11.

Mit nun nicht vnbillich der prattica vnd
 Experientza (welches ich in allem meinem Vorbrin-
 gen / zwar mit Bescheidenheit / verstanden haben
 will) jederzeit vor der blossen / vnd in das Werck selb-
 sten immergirtten speculation, Audienza oder Gehör gegeben /
 vnd derselbigen desto eher nachgefolget werde : So hab ich dahin
 gesehen / vnd ein geraume Zeit darauff gewartet / ein Nave, die
 vor allen andern wolgeformiert / vnd durch die ernante Expe-
 rientza ein schnelle Farth verrichtet habe / hiemit zudelinieren :
 wel-

Das Kupf-
 ferblatt
 N. 11.